



Adresa: **Ul. Hamdije Čemerlića 39a**
71000 Sarajevo
<http://www.voda.ba>

tel. +387 33 726 422
fax. +387 33 726 423
e – mail: info@voda.ba

Broj: **UP-1/21-3-40-514-6/24**
Datum: **23.12.2024. godine**

„Agencija za vodno područje rijeke Save“ Sarajevo rješavajući po zahtjevu pravnog lica „Tikop“ d.o.o. Vitez za donošenje rješenja o vodnoj dozvoli za ispuštanje tehnoloških otpadnih voda i aktivnosti koje mogu imati specifične uticaje na vode sa prostora površinskog kopa–kamenoloma „Paljike-Hum II“ i lokacije proizvodnog kompleksa objekata betonare, općina Vitez, na osnovu člana 139. stav (1) tačka 3. i 10. Zakona o vodama („Sl. novine Federacije BiH“, br. 70/06) i člana 200. stav (1) Zakona o upravnom postupku („Sl. novine Federacije BiH“, broj 2/98, 48/99 i 61/22), donosi

RJEŠENJE **o vodnoj dozvoli**

1. Pravnom licu „Tikop“ d.o.o. Vitez daje se vodna dozvola za ispuštanje tehnoloških otpadnih voda i aktivnosti koje mogu imati specifične uticaje na vode sa prostora površinskog kopa–kamenoloma „Paljike-Hum II“ i lokacije proizvodnog kompleksa objekata betonare, općina Vitez.
2. Ova vodna dozvola ne oslobađa podnosioca zahtjeva obaveze pribavljanja saglasnosti i dozvola od strane drugih nadležnih organa, a sve u skladu sa važećim zakonskim propisima, uredbama i dr.
3. Rješenje o vodnoj dozvoli je doneseno na osnovu pregleda dokumentacije kojom raspolaže podnosilac zahtjeva, izvršenog uviđaja na lokaciji objekata, detaljnog dinamičkog plana ulaganja urađenog od strane pravnog lica (broj: 19-12/24-DP od 19.12.2024. godine) i pod slijedećim uslovima:
 - 3.1. Da se izvođenje radova na prostoru površinskog kopa i lokaciji proizvodnog kompleksa objekata betonare vrši u skladu sa uobičajenom praksom za ove aktivnosti, te u skladu sa uslovima iz ove vodne dozvole.
 - 3.2. Da se u periodu važenja ove vodne dozvole, u skladu sa detaljnim dinamičkim planom ulaganja, a u skladu sa članom 26. stav (3) Uredbe o uslovima ispuštanja otpadnih voda u okoliš i sisteme javne kanalizacije („Službene novine Federacije BiH“, broj: 26/20, 96/20 i 1/24) realizuju aktivnosti na vanjskom uređenju:
 - 3.2.1. Podnošenje zahtjeva nadležnom općinskom organu za pribavljanje urbanističke suglasnosti prema „Glavni projekat snabdijevanja tehnološkom vodom, prikupljanja i tretmana tehnoloških otpadnih voda sa površinskog kopa dolomita Paljike-Hum II i betonare“, urađen od strane Zavoda za vodoprivredu d.d. Sarajevo, mart 2021 godine. Krajnji rok za realizaciju ove aktivnosti je 02.04.2025. godine.
 - 3.2.2. Podnošenje zahtjeva nadležnom općinskom organu za pribavljanje odobrenja za građenje prema „Glavni projekat snabdijevanja tehnološkom vodom, prikupljanja i tretmana tehnoloških otpadnih voda sa površinskog kopa dolomita Paljike-Hum II i betonare“ urađen od strane Zavoda za vodoprivredu d.d. Sarajevo, mart-a 2021 godine, i prema Urbanističkoj suglasnosti ishodovanoj od strane općinskog organa Vitez. Krajnji rok za realizaciju ove aktivnosti je 02.08.2025. godine.
 - 3.2.3. Izrada okana za monitoring voda na površinskom kopu. Krajnji rok za realizaciju ove aktivnosti je 02.12.2025. godine.
 - 3.2.4. Radovi na izgradnji platoa prema tehničkim specifikacijama datim u Glavnom projektu. Krajnji rok za realizaciju ove aktivnosti je 02.04.2026. godine.
 - 3.2.5. Organiziranje tehničkog prijema za objekte definirane ishodovanom građevinskom dozvolom. Krajnji rok za realizaciju ove aktivnosti je 30.06.2026. godine.
 - 3.2.6. Izrada Projektноg-tehničkog rješenje crpljenja vode na lokalitetu pogona za tehnološke potrebe pogona. Odnosno, izrada Projektноg-tehničkog rješenje crpljenja vode na izvedeno stanje, uvažavajući proračune koji su definirani Glavnim projektom kao i izbor opreme za crpljenje, napajanje el. energijom,

te instaliranje brojila za mjerenje crpljene vode. Krajnji rok za realizaciju ove aktivnosti je 02.04.2025. godine.

3.2.7. Legalizacija postojećeg vodocrpilišta vode na pogonu. Ishođenje vodne dozvole putem podnošenja zahtjeva nadležnom organu u SBK/KSB-a (Vodna akta –koncesija). Krajnji rok za realizaciju ove aktivnosti je 02.12.2025. godine.

3.2.8. Tehničko uređenje postojećeg vodocrpilišta prema Vodnim aktima. Ugradnja brojila potrošnje vode i fizičkog ograđivanja i uređenje u skladu sa Vodnim aktima i tehničkim rješenjem. Krajnji rok za realizaciju ove aktivnosti je 02.02.2026. godine.

3.2.9. Evidentiranje potrošnje vode i dostavljanje izvještaja Agenciji će se realizovati od 30.06.2026. godine.

3.2.10. Uspostava monitoringa tehnoloških otpadnih voda i održavanje objekata. Krajnji rok za realizaciju ove aktivnosti je 30.06.2026. godine.

3.2.11. Nakon okončanja svih aktivnosti na terenu, ukoliko dođe do odstupanja u odnosu na Glavni projekat snabdijevanja tehnološkom vodom, prikupljanja i tretmana tehnoloških otpadnih voda sa površinskog kopa dolomita „Paljike-Hum II“ i betonare urađen od strane Zavod za vodoprivredu d.d. Sarajevo, mart 2021. godine, investitor "Tikop" d.o.o. Vitez je u obavezi da izradi projekat izvedenog stanja-hidro faza, sa svim izmjenama i dopunama.

3.3. Da se objekti čija je svrha odvođenje i prečišćavanje oborinskih onečišćenih voda (slivnici, kanali sa rešetkama, reviziona okna, taložnici, separator ulja i masti, kanali za prihvatanje oborinskih voda i dr.) redovno održavaju i koriste na način koji će obezbijediti njihovu potpunu ispravnost i funkcionalnost.

3.4. Prečišćene vode prije ispuštanja u recipijent trebaju ostati u maksimalno dozvoljenim granicama definisanim u Prilogu 27. Uredbe o uslovima ispuštanja otpadnih voda u okoliš i sisteme javne kanalizacije („Službene novine Federacije BiH“ broj: 26/20, 96/20, 1/24).

3.5. Da se redovno vrši monitoring prečišćene otpadne vode iz okana za monitoring shodno članu 19. i 20. Uredbe o uslovima ispuštanja otpadnih voda u okoliš i sisteme javne kanalizacije, te pojedinačne i zbirne godišnje izvještaje dostave Agenciji u skladu sa članom 23. iste Uredbe.

3.6. Izvještaje o ispitivanju i ocjeni kvaliteta otpadnih voda može uraditi isključivo laboratorija ovlaštena od strane Federalnog ministarstva poljoprivrede, vodoprivrede i šumarstva po osnovu člana 64. stav (3) Zakona o vodama i Pravilnika o uslovima koje moraju ispunjavati referentne odnosno ovlaštene laboratorije za ispitivanje voda, sadržaju i načinu davanja ovlasti („Službene novine Federacije BiH“, broj 14/10, 14/13, 26/14, 23/17 i 41/20).

3.7. Ukoliko Vlada Srednjobosanskog kantona propiše dodatne (strožije) uvjete za ispuštanje otpadnih voda u površinske vode, od uvjeta definisanih u Prilogu 27. Uredbe o uslovima ispuštanja otpadnih voda u okoliš i sisteme javne kanalizacije, podnosilac zahtjeva je u obavezi iste zadovoljiti.

3.8. Korisnik objekta je obavezan pridržavati se svih mjera i uslova propisanih u saglasnostima i dozvolama izdatim od strane drugih nadležnih organa, a odnose se na korištenje i zaštitu voda i nisu u suprotnosti sa uslovima iz ove vodne dozvole.

3.9. Da se, u skladu sa propisima iz oblasti zaštite okoliša, vrši bezbjedno skladištenje i postupanje sa opasnim materijama i otpadom nastalim na predmetnom lokalitetu (adekvatnim mjerama onemogućiti bilo kakvo isticanje i rasipanje opasnih i štetnih materija na tlo i u vode).

3.10. Sadržaj (mulj) iz revizionih šahtova i kanala i ostali otpad ne smije se odlagati na česticu „vodno dobro“, odnosno u vodotoke i na njegove obale.

3.11. Da se istrošena ulja, nauljene krpe i sav opasan otpad redovno prikuplja i propisno, privremeno skladišti u metalne spremnike, do krajnjeg, ekološki prihvatljivog zbrinjavanja od strane ovlaštene organizacije, a prema sačinjenom ugovoru.

4. Vlasnik, odnosno korisnik objekta je obavezan voditi propisne evidencije, te nadležnim organima dostavljati propisane obrasce (Obrazac EBS) u skladu sa Zakonom o vodama („Službene novine Federacije BiH“, broj 70/06) i Pravilnikom o načinu obračunavanja, postupku i rokovima za obračunavanje i plaćanje i kontrolu izmirivanja obaveza na osnovu opšte vodne naknade i posebnih vodnih naknada („Službene novine Federacije BiH“, broj 92/07, 46/09, 79/11, 88/12 i 03/16), te prema dostavljenim obrascima izvršavati u cjelosti i u propisanim rokovima obavezu plaćanja vodnih naknada.

5. Ukoliko usljed štetnog djelovanja voda nastalog zbog neizgrađenosti ili nedovoljne osposobljenosti (zaštitnih) vodnih objekata dođe do nastanka štete na objektima predmetnog postrojenja obuhvaćenim ovom vodom dozvolom, korisnik zaštitnih vodnih objekata nije odgovoran za nastale štete.

6. Ukoliko radom predmetnog poslovnog objekta za koji se izdaje ova vodna dozvola dođe do promjene režima površinskih i podzemnih voda, a te promjene prouzrokuju štete ma kakvog karaktera, korisnik objekta je dužan uzroke štete otkloniti, a nastale štete nadoknaditi.
7. U periodu važenja ove dozvole, pravno lice je dužno provoditi sve mjere i aktivnosti propisane istom.
8. Prava stečena po ovoj dozvoli ne mogu se prenositi na treća lica, a ista prestaju u skladu sa odredbama Zakona o vodama.
9. U skladu sa članom 26.a Uredbe o uslovima ispuštanja otpadnih voda u okoliš i sisteme javne kanalizacije («Službene novine Federacije BiH», broj 26/20, 96/20 i 1/24) nosilac prava iz ove vodne dozvole dužan je izvještavati nadležnu Agenciju i Federalno ministarstvo okoliša i turizma o realizaciji planiranih aktivnosti u zadatim rokovima iz detaljnog dinamičkog plana, prvi put najkasnije do 31.12.2024. godine a drugi put najkasnije do 30.06.2025. godine na obrascu iz Priloga B navedene Uredbe.
10. Ova vodna dozvola, u skladu sa članom 26. stav (1) Uredbe o uslovima ispuštanja otpadnih voda u okoliš i sisteme javne kanalizacije se daje sa rokom važenja do 30.06.2026. godine, uz uslov da se aktivnosti obuhvaćene tačkama 3.2.1. do 3.2.11. dispozitiva rješenja u cijelosti poštuju.
11. Prije isteka važnosti ove dozvole, Investitor je dužan da podnese zahtjev za izdavanje nove vodne dozvole.
12. Ovo rješenje o vodnoj dozvoli može se izmjeniti ukoliko za to nastupe razlozi utvrđeni u članu 130. stav (1) tačka 1., 2., 3. ili 4. Zakona o vodama, a zainteresirane stranke podnesu argumentiran zahtjev za izmjenu ovog vodnog akta.

Obrazloženje

Pravno lice „TIKOP“ d.o.o. Vitez obratio se ovoj Agenciji sa zahtjevom za donošenje rješenja o vodnoj dozvoli za ispuštanje tehnoloških otpadnih voda i aktivnosti koje mogu imati specifične uticaje na vode sa prostora površinskog kopa-kamenoloma „Paljike-Hum II“ i lokacije proizvodnog kompleksa objekata betonare, općina Vitez.

U provedenom postupku, uz zahtjev za izdavanje vodne dozvole dostavljena je i pregledana slijedeća dokumentacija:

- A. Opća dokumentacija
- Aktuelni izvod iz sudskog registra, broj:051-0-RegZ-24-001403 od 05.09.2024. godine izdat od strane Općinskog suda u Travniku – ovjerena kopija,
 - Uvjerenje o poreznoj registraciji od 21.10.2014. godine izdato od strane Kantonalnog poreznog ureda Novi Travnik – ovjerena kopija,
 - Uvjerenje o registraciji/upisu u Jedinstveni registar obveznika neizravnih poreza, broj:04/1-17-1-UPJR/1-281-2/15 od 23.01.2015. godine izdato od strane Uprave za indirektno-neizravno oporezivanje Banja Luka – ovjerena kopija,
 - Rješenje, broj:03-23-22/16 od 07.09.2017. godine izdato od strane Ministarstva prostornog uređenja, građenja, zaštite okoliša, povratka i stambenih poslova Kantona Središnja Bosna – kopija,
 - Rješenje, broj:06-21-10635/2021 od 08.12.2021. godine izdato od strane Ministarstva poljoprivrede, vodoprivrede i šumarstva Srednjobosanskog kantona/ Kanton Središnja Bosna – kopija,
 - Rješenje o vodnoj saglasnosti, broj:UP-I/25-3-40-084-3/18 od 05.03.2018. godine izdato od strane Agencije za vodno područje rijeke Save, Sarajevo – kopija,
 - Rješenje o okolišnoj dozvoli za kamenolom „Paljike-Hum II“ za eksploataciju tehničkog kamena dolomita, broj:UP-I 05/2-23-11-174/17SN od 09.02.2018. godine izdato od strane Federalnog ministarstva okoliša i turizma – kopija,
 - Odgovor na upit, broj:05/2-19-5-669/23JM od 02.10.2023. godine izdat od strane Federalnog ministarstva okoliša i turizma – kopija,
 - Ugovor o koncesiji za istraživanje i eksploataciju dolomita na lokalitetu „Paljike Hum II“ općina Vitez, broj: 04-18-729/18 od 08.06.2018. godine potpisan sa Ministarstvom privrede Travnik – kopija,
 - Kopija katastarskog plana, UR broj:06-30-3-5-1564/2024-2 od 02.10.2024. godine izdata od strane Službe za imovinsko pravne poslove, katastar i urbanizam općine Vitez – kopija,
 - Rješenje o vodnoj dozvoli, broj:UP-I/25-3-40-573-11/20 od 04.03.2021. godine izdato od strane Agencije za vodno područje rijeke Save, Sarajevo – kopija,

- Izvještaj o rezultatima ispitivanja kvantitativnih karakteristika efluenta sa programom praćenja stanja voda (monitoring), broj:01-2-2-8-VIII/24 urađen od strane „Zagrebinspekt“ d.o.o. Mostar, august 2024. godine,

- Detaljni dinamički plan ulaganja, broj:19-12/24-DP od 19.12.2024. godine,

- Dokaz o uplaćenju federalnoj upravnoj pristojbi na zahtjev.

B-Tehnička dokumentacija:

- Glavni projekat snabdijevanja tehnološkom vodom, prikupljanja i tretmana tehnoloških otpadnih voda sa površinskog kopa dolomita „Paljike-Hum II“ i betonare urađen od strane Zavod za vodoprivredu d.d. Sarajevo, mart 2021. godine.

Nakon izvršenog uvida u dostavljeni zahtjev i priloženu dokumentaciju utvrđeno je da su uz zahtjev dostavljeni potrebni prilozi, te je ovaj organ u skladu sa odredbama Zakona o upravnom postupku pokrenuo postupak u cilju utvrđivanja relevantnih činjenica u ovoj upravnoj stvari.

U skladu sa članom 12. stav 5. i 6. Pravilnika o sadržaju, obliku, uvjetima i načinu izdavanja i čuvanja vodnih akata („Službene novine Federacije BiH“ broj 31/15, 55/19, 41/20, 63/22) izvršen je uviđaj na prostoru površinskog kopa-kamenoloma „Paljike-Hum II“ i lokacije proizvodnog kompleksa objekata betonare, Općina Vitez i tom prilikom sačinjen Zapisnik o izvršenom uviđaju broj:UP-1/21-3-40-514-4/24 od 18.12.2024. godine.

Na osnovu dostavljene dokumentacije, izvršenog uviđaja na licu mjesta utvrđeno je sljedeće:

➤ U skladu sa zahtjevima iz rješenja o vodnoj dozvoli, broj: UP-I/25-3-40-573-11/20 od 04.03.2021. godine pravno lice je trebalo da u skladu sa dostavljenim dinamičkim planom ulaganja (spisak aktivnosti i mjera sa finansijskom procenom za ulaganje u cilju smanjenja emisije sa predloženim završetkom aktivnosti) izradi projektnu dokumentaciju tj. na osnovu proračunatih količina i sastava otpadnih voda koje mogu nastati na predmetnom lokalitetu (prostoru površinskog kopa-kamenoloma i prostoru betonare) uradi investiciono tehnička dokumentacija sistema za prikupljanje otpadnih voda – separatnog tipa, prečišćavanje nastalih tehnoloških otpadnih voda i oborinskih onečišćenih voda i ispuštanje prečišćenih voda u definisani recipijent.

➤ Nakon izrade Investiciono tehničke dokumentacije pravno lice se obavezalo dinamičkim planom da na terenu realizuje sve projektovane aktivnosti. Realizacija projektovanih aktivnosti na terenu, a u skladu sa projektnom dokumentacijom je trebala biti okončana do 30.11.2023. godine. Rješenje o vodnoj dozvoli je u skladu sa odredbama Uredbe dato sa rokom važenja do 30.11.2023. godine.

➤ Pravno lice „Tikop“ d.o.o. Vitez je izradilo Glavni projekat snabdijevanja tehnološkom vodom, prikupljanja i tretmana tehnoloških otpadnih voda sa površinskog kopa dolomita „Paljike-Hum II“ i betonare, urađen od strane Zavod za vodoprivredu d.d. Sarajevo, mart 2021. godine.

➤ Na terenu nije realizovao projektovane sadržaje te je uz zahtjev za izdavanje rješenja o vodnoj dozvoli dostavio detaljni dinamički plan ulaganja, broj:19-12/24-DP od 19.12.2024. godine.

➤ U skladu sa dostavljenim dokumentom planirano je da se sve aktivnosti na izgradnji projektovanih sadržaja okončaju do 30.06.2026. godine.

Na osnovu dostavljene dokumentacije i utvrđenog činjeničnog stanja, a u svrhu smanjenja negativnih uticaja predmetnog objekta i aktivnosti na stanje voda i vodni režim, podnosiocu zahtjeva su ovom vodnom dozvolom propisani uslovi u skladu sa odredbama člana 116. Zakona o vodama i članova 12. i 13. Pravilnika o sadržaju, obliku, uslovima, načinu izdavanja i čuvanja vodnih akata i Uredbe o uslovima ispuštanja otpadnih voda u okoliš i sisteme javne kanalizacije.

Tačka 4. dispozitiva rješenja je propisana u skladu sa tačkama 12. i 35. Pravilnika o načinu obračunavanja, postupku i rokovima za obračunavanje i plaćanje i kontrolu izmirivanja obaveza na osnovu opšte i posebnih vodnih naknada („Službene novine Federacije BiH“, broj 92/07, 46/09, 79/11 i 88/12) i Odlukom o visini posebnih vodnih naknada („Službene novine Federacije BiH“, broj 46/07, 10/14 i 03/16).

Na osnovu provedenog postupka konstatuje se da je podnosilac zahtjeva „TIKOP“ d.o.o. Vitez ispunio minimum uslova za izdavanje vodne dozvole za ispuštanje tehnoloških otpadnih voda i aktivnosti koje mogu imati specifične uticaje na vode sa prostora površinskog kopa-kamenoloma „Paljike-Hum II“ i lokacije proizvodnog kompleksa objekata betonare, općina Vitez, te je riješeno kao u dispozitivu ovog Rješenja.

Podnosilac zahtjeva je uplatio upravnu taksu u iznosu od 70 KM u skladu sa Zakonom o izmjenama i dopunama zakona o federalnim upravnim taksama i tarifi federalnih upravnih taksi („Službene novine Federacije BiH“, broj 06/98, 8/00, 45/10 i 43/13).

Uputa o pravnom lijeku:

Protiv ovog rješenja može se uložiti žalba Federalnom ministarstvu poljoprivrede, vodoprivrede i šumarstva, u roku od 15 dana od dana prijema rješenja.

Žalba se podnosi neposredno pismeno ili preporučeno putem pošte ovom organu i taksira se sa 15 KM takse, prema tarifnom broju 3. Tarife federalnih administrativnih taksi.

Voditelj postupka:

mr Selma Merdan, dipl.inž.geol.

Prilog: Tehnička dokumentacija navedena pod tačkom B obrazloženja rješenja

Po ovlaštenju

Rukovodilac sektora za izdavanje vodnih akata



[Signature]
Vihad Pezo, dipl.inž.građ.

Dostaviti:

- "Tikop" d.o.o. Vitez
- Donja Večeriska b.b., 72250 Vitez, (sa prilogom),
- ⊕ AVP Sava, ISV – Vodna knjiga,
- Sektor 50,
- Sektor 40, arhiva,
- Oglasna ploča-AVP Sava